

Inazio Iturrarte: «Gazteei dagokienez, talde bakarrenetako izango gara Nafarroan, beste abesbatza gehienetan jende larria delako nagusi»

Juan Bautista Irazoki dute egun zuzendari, Aizkorbe herritik joan zenean taldearen ardura hartu zuena.



Leitzako Abesbatza, 1968ko apirilean ateratako argazki batean. Aurpegi ezagunak antzeman daitezke kantarien artean.

EGUNKARIA

Asketak egin du bere kasketa

Leitzako abesbatzak herriko kantuzaletasuna ospatzeko egitarau musikala antolatu du

Herrian betidanik izandako kantuzaletasuna kanporatu eta ospatzeko asmoz, Asketa Leitzako abesbatzak hiru egunetako egitarau musikala antolatu du herrian. Atzo hasi ziren ospakizunak, Hodeiertz Tolosako abesbatzak herriko zineman eman zuen emanaldiarekin, eta gaur 'Easoko Ederrak' antzerki-musika lana ikusi ahal izango da toki berean. Bihar izango da egun nagusia, leitzar guztiarendako prestatutako kontzertu eta erromeriak.

Alberto Barandiaran / Iruñea

ASKETA TALDEA 80ko hasieran osatu zuen Juan Jose Aizkorbe Leitzan zegoen apaizak, neska gazteekin osatu ere. Abesbatzak hasiera izan zuen garai hartan muskikazaleek nabari zuten hutsunea herrian, ez baitzen orduan kontzertuak edo erreperitorio finkorik zuen talderik. Hasiera ez zen batere txarra izan, Getzaurre herrian Eguberrian egiten zen lehiaketara joan eta bigarrenak gelditu baitziren neskak. Horrek animatu egin zituen, eta aurrera egitea erabaki zuten. Handik gutxira koroan mutikoak ere sartu ziren eta egun mistoa da. Gaztea, hala ere, 16 urtetik 30 urte bitartekoa.

Ez da hau Leitzak izan duen koru bakarra, aspaldiko Leitzako Koruak ireki baitzion herrian beti

izan den kantuzaletasun horri kanpora atera eta jendaurrean aritzeko aukera. Kantari asko eduki eta atzerrian arrakasta handia izan zuen abesbatza hura desegin zen zenbait arazo zirela medio, eta hantxe aritutako askok Jeiki taldea sortu zuten ondoren. Honek mail polita lortu zuen, eta lehiaketa frankotan parte hartu zuen. Gehiegizko lotura, halabaina, kantuzaletasuna erruz zuten askorendako, eta Jeikik ere utzi egin behar izan zuen talde egitura hori, saioak eta prestakuntzak. Ez dute, hala ere, kantatzeko ohitura galdu, eta gehienbat mezetan aritzen dira. Bi talde horiek jorratutako bideari errelebo gisa sortu zen, bada, oraingo Asketa, eta eutsi egin diotela ezin uka. 35 lagunek osatzen dute egun taldea, eta umeentzako taldea ere —Asketa

Txiki— hor dute, behar denerako.

Gazteak eta euskalzaleak • Bi ezaugarri azpimarratzekotan, gazteak direla eta gehienbat euskaraz abesten dutela. Lehena bitxia eta eskertzekoa da oso, Inazio Iturrarte taldeko kideak azaltzen duenez. «Taldea bakarrenetako izango gara Nafarroan, beste abesbatza gehienetan jende larria delako nagusi. Are, jende larria dago bakarrik horietako askotan eta gazte gutxi izaten dira». Bere erreperitorioan, bestalde, nagusitasun osoa daukate euskarazko abestiek, nahiz eta latinezko eta italierazko hainbat musika-lan ere abestu izan dituzte mezetan.

Juan Bautista Irazoki dute egun zuzendari, Aizkorbe herritik joan zenean taldearen ardura

hartu zuena. Berarekin hasi ziren mutikoak taldean sartzen, eta bera ere arduratu zen lehen-dabiziko urteetan umeak prestatzen, baina egun zeregin hori Mikel Garziandiaren esku dago. Euskal Herri osoan zehar ari-tuak, iaz sortu zitzairen kanpora ateratzeko aukera, eta, hango orfeoia gonbidatuta, Kataluniako Vilanova i la Geltru eta Bartzelonara joan ziren, lau egunezko bidaia eginez. «Hori izan zen gure bidaia» esan du Iturrartek, «eta oso esperientzia dotore izan zen. Lehiaketetan eta parte hartu? ez dugu baztertu, baina asko landu egin behar da bide horretan sartzeko, eta aukerak ere ez zaizkigu etortzen».

Egiten ari den taldea baita Asketa. Gehienak ikasleak, nahiz eta batzuek hamabost urte daramatzen taldean, oraindik

Bihar leitzarrendako eguna izango da, abestu, abesten eta, zergatik ez, etorkizunean abestuko duten guztiarendako eguna. Egitaraua gaueko zortzietan hasiko da, Asketa eta Jeiki taldeen eskutik izango den meza kantatuarekin, eta gero, kontzertua izango da elizan. Bertan ez dute parte hartuko soilik egun ari direnek, baina noizbait abesbatzetan egon direnek ere. Hori dela-eta, kanta ez sobera zailak entzun ahal izango dituzte leitzarrok, bilatzen dena ez baita kalitate, jendearen partaidetza baizik. Besteak beste, *Ama begira zazu, Maïtta nun zira, Jeiki jeiki eta Gabiltzan kalez kale* —hau txistularien laguntzarekin— kantatuko dira.

Ondoren, herriko plazan, herriar guztiei irekitako afaria izango da, eta afalostean, Etzakit taldearen eskutik herrian zehar erromeria dago antolatuta. Askoren ustez, orduan entzun ahal izango dira eguneko kantarik ederrenak. X

Egiten ari den taldea da Asketa. Hori horrela izanik, oraindik taldean bertan aipatu egiten da behin baino gehiagotan, kontzerturik onenak afalondoetan entzuten direla

Bihar leitzarrendako eguna izango da, abestu, abesten eta, zergatik ez, etorkizunean abestuko duten guztiarendako eguna. Meza kantatua, kontzertua, afaria eta erromeria izango da